

Месяца Июня в 8-й день

Празднование Пресвятѣй Владычице нашей Богородице
и Приснодѣве Марии, в честь иконы Ея, именуемая
«Ярославская»

НА ВЕЛИЦЕЙ ВЕЧЕРНИ

Блажен муж: 1-й антифон

На Господи, возвах: стихирь, глас 6.

Подобен: Все отложше:

Веселися и ликовствуй, / славный граде Ярославле, / обретая
светоносную Ярославскую икону Богородицы, / Еяже благословение
даровася людям твоим // и покров и всемилостивное заступление.


Яко заря пресветлая / возсия нам образ Твой, Пречистая Владычице, /
благословением благоверных князей Василия и Константина
преславных, / тии же в Небесных селених молят Тя // даровати нам мир и
велию милость.

Днесь вернии восхвалим Пресвятую Деву, / и к Ярославстей иконе Ея
притецем, вопиюще: / слава Тебе, Благословенная Богородице, /
Солнце Правды Христа миру возсиявшая // и род человеческий от клятвы
свободившая.

Приидите, празднлюбцы достоблаженнии, / восхвалим днесь
Пречистую Владычицу, / яко Купиною Несгаряемою миру явилася еси, / во
чреве бо неопально зачэншая Бога, / ныне бо граду Ярославлю икону Свою
являет, / землю сию Небесным светом озаряет // и подаёт нам велию
милость.

Слава, и ныне, глас 6

Приидите, празднлюбцев сословия, / днесь торжествуем
Ярославския иконы миру явление, / паче солнца славою Небесною
просиявшыя, / к ней бо вернии в молитве припадающе, / помощь скорую во
всяцех нуждех обретают, // Та бо есть наша всемошная заступница.



Вход. Прокімен дне. Чтёния три Богородицы:

Бытія чтёние.

Изыде Иаков от студенца клятвеннаго и иде в Харрань. И обрете место, и спа тамо: зайде бо солнце, и взят от камня места того, и положи возглавие себе, и спа на месте оном. И сон виде. И се лествица, утверждена на земли, еяже глава досязаше до небес, и Ангели Божии восходяху и низходяху по ней. Господь же утверждашеся на ней и рече: Аз Бог Авраамов, отца твоего, и Бог Исааков, не бойся: земля, идеже ты спиши на ней, тебе дам ю и семени твоему. И будет семя твоё, яко песок земный, и распространится на море, и ливу, и север, и на востоки; и возблагодарят о тебе вся колена земная и о семени твоём. И се Аз с тобою, сохраняяй ты на всяком пути, а може аще пойдёши. И возвращу ты в землю сию, яко не имам тебе оставить, дондеже сотворити Ми вся, елика глаголах тебе. И востав Иаков от сна своего, и рече: яко есть Господь на месте сем, аз же не ведех. И убояся, и рече: яко страшно место сие; несть сие, но дом Божий и сия врата Небесная.

Пророчества Иезекиилева чтёние.

Тако глаголет Господь: будет от дне осмаго и прочее, сотворят иереи на олтари всежжения вашего и яже спасения вашего, и приму вы, глаголет Адонай Господь. И обрат мя на путь врат святых внешних, зрящих на востоки, и сия бяху затворена. И рече Господь ко мне: врата сия затворена будут и не отверзутся, и никтоже пройдёт сквозе их; яко Господь Бог Израилев пройдёт ими, и будут затворена. Яко игумен сядет в них снести хлеб, по пути Еламских врат внидет и по пути его изыдет. И введу мя по пути врат святых, сущих к северу, прямо храму, и видех, и се исполнь славы храм Господень.

Притчей чтёние.

Премудрость созда Себе дом и утверди столпов семь. Закла Своя жертвенная, и растворил в чаши Своей вино, и уготова Свою трапезу. Посла Своя рабы, созываючи с высоким проповеданием на чашу, глаголющи: иже есть безумен, да уклонится ко Мне. И требующим ума рече: приидите,



ядіте Мой хлеб, и пійте вино́, е́же растворіх вам. Оста́вите безу́мие, и жи́ви бу́дете, и взыщіте ра́зума, да поживе́те и испра́вите ра́зум в ве́дении. Наказу́яй злы́я, при́имет себѣ безче́стие; облича́яй же нечесті́ваго, опорочит себѣ, обличе́ние бо нечесті́вому ра́ны е́му. Не облича́й злых, да не возненави́дят тебѣ. Облича́й премудра, и возлю́бит тя. Даждь премудрому вино́, и премудрши́й бу́дет. Сказу́й пра́ведному, и приложіт приима́ти. Нача́ло премудрости страх Господень и совет святы́х ра́зум. Разуме́ти бо зако́н помы́сла есть благо́го. Сим бо о́бразом мно́гое поживе́ши вре́мя, и приложáтся тебѣ ле́та живото́а.

На литіи стихіры, глас 8.

Подобен: О пресла́внаго чудесе́:

Весели́ся, Це́рковь Правосла́вная,/ и духо́вно торже́ству́й,/ ны́не бо ликую́т а́нгели,/ и ра́дуются чело́веков собо́ри,/ сла́вяще превы́сшую вся́кия сла́вы Пресвяту́ю Де́ву Богоро́дицу,/ зе́млю на́шу возлю́бившую// и ико́ною Яросла́вскою нас благослові́вшую.

Воспойм вси земноро́днии/ и восхва́лим Пречи́стую Де́ву,/ Та покрóв Свой над гра́дом на́шим простира́ет/ и всю зе́млю Ру́сскую,/ я́ко благослове́нная Ма́терь на́ша, с любовью назира́ет// и Сы́на Своего́ Христá Бо́га за нас ежеча́сно умоля́ет.

Днесь свяще́нницы и вси лю́дие/ похва́лим Пресвяту́ю Богоро́дицу,/ Та бо есть пучі́на чуде́с и исцелéний,/ Засту́пница усер́дная ро́да христиа́нскаго,/ неча́янная Ра́дость, грѣшным заступле́ние// и главі́зна на́шего спасéния.

Сла́ва, и ны́не, глас 6:

Днесь с ве́рою взыва́ем к Тебѣ,/ Пречи́стая Дево,/ град наш Яросла́вскою ико́ною сохрани́,/ от лю́тых бед и вражи́их обстоя́ний избави,/ лю́дем Твои́м благодарéние дару́й,/ благода́тию Ду́ха Свята́го сердца́ ве́рных напитáй // и спаси́ ду́ши на́ша, я́ко милосе́рда.



На стихóвне стихи́ры, глас 5.

Подóбен: Ра́дуйся:

Ра́дуйся, Всеблагáя нáша Засту́пнице,/ с высоты́ Небéсных на род христиáнский милостíвно взира́ющая,/ гра́ды и вéси страны́ нáшея моли́твенным предстáтельством Свои́м покрывáющая// и от бед много́различных вéрных спаса́ющая.

Стих: Приве́дутся Царю́ дéвы вслед Ея́,// и искренния Ея́ приве́дутся Тебé.

Ра́дуйся, Всеми́лостивая Госпоже́ и Пресла́вная Дéво,/ Ты бо род челове́ческий спасла́ еси́ от поги́бели вéчных,/ ро́ждши еди́наго от Трои́цы Христá Бо́га нáшего,// И́мже дарова́ся нам Воскресéние и Жизнь вéчная.

Стих: Слы́ши, Дщи, и виждь// и приклонí у́хо Твоé.

Ра́дуйся, Благословéнная Богороди́це,/ я́ко всечестно́е и́мя Твоé ангели́ ликовству́юще воспева́ют/ и челове́цы в пéснях духо́вных прославля́ют./ Ты бо еси́ Ма́ти Творца́ всех Христá Бо́га,// Того́ моли́ непрестава́ющи о спасéнии душ нáших.

Сла́ва, и ны́не, глас и подóбен то́йже:

Ра́дуйся, гра́де Яросла́вле благословéнный,/ в тебе́ бо вéлие сокрови́ще духо́вное обрета́ется,/ светоно́сная ико́на Богороди́цы,/ Яросла́вская имену́емая/ и, я́ко луна́ по́лная,/ среди́ со́нма чудотво́рных ико́н благоле́пно красу́ется,// в нейже есть тебе́ покрóв и утверждéние.

На благословéнии хлебо́в тропáрь, глас 4:

Днесь торжествует град Яросла́вль,/ я́ко зарю́ со́лнечную обрета́я/ цельбоносную ико́ну Твою́, Богороди́це,/ к ней бо вéрою притека́ющи/ от недúгов душе́вных и телéсных исцеля́ются,/ от туги́ сердéчных избавля́ются/ и благода́ти духо́вныя исполня́ются./ Темже мо́лим Тя, Пречи́стая Дéво,/ гра́ды и вéси страны́ нáшея оградí,// лю́дие в благоче́стии и вéре утверди́/ и спаси́ дýши нáша.



НА УТРЕНИ

На Бог Господь: тропарь Богородице трижды.

По 1-м стихословии седален, глас 4:

Зрака световидныя иконы Твоея/ дѣмони ужасаются, ангели
умиляются,/ и человецы радости исполняются./ Темже молим Тя, Мати
Света Невечерняго,/ сподоби нас славу Твою Небесную зрѣти/ и со
ангельскими лики/ хвалѣбную песнь Тебѣ вѣчно вопевати.

Слава, и ныне, тойже

По 2-м стихословии седален, глас 4

Лучезарным явлѣнием иконы Твоея/ град наш освятися/ и
божественными озарѣнии сердца верных просветишася./ Темже светло
празднующе святую память Твою,/ молим Тя, Пресвятая Дѣво,/ молися из
Тебѣ возсіявшему Христу Богу,/ избавити нас от бед и вѣчнаго мучѣния,/
и сподоби Сына Твоего вечнорадостнаго лицезрѣния.

Слава, и ныне, тойже

По полиелѣи седален, глас 2

Вѣлия покровительница граду Ярославлю/ по вся дни была еси, Мати
Божия,/ много раз спасала еси зѣмлю нашу от вражиих обстояний,/ и ныне
молитвами святых ярославских князей Васілія и Константина/ не
преставай мѣловати нас/ и даруй сердцам нашим умирѣние/ и от всех
врагов заступлѣние.

Слава, и ныне:

Свет Божественный Ярославская икона Твоя/ предивно излучает/ и
спасѣние всем с верою к Тебѣ притекающим неложно уготавливает./ Сего
ради славословим чудное зрѣние лика Твоего/ и Сыну Твоему вопиѣм:/
спасай нас молитвами Богородицы, еди́не Человеколю́бче.



Степéнна 1-й антифóн 4-го глása.

Прокíмен, глас 4: Помяnú íмя Твоеú// во всяком рóде и рóде.

Стих: Слы́ши, Дщи, и виждь и приклонí úхо Твоеú.

Всякое дыхáние: Ева́нгелие от Луки́, зачáло 4

по 50-м псалмé стихíра, глас 6.

Подóбен: Все отлóжше:

Настá бо день торжества́ твоегó,/ богоспаса́емый граде Яросла́вле,/ ликуйте, священницы и вси лю́дие,/ ны́не бо Ма́терь Бóжия в любви́ Своёй нас уверя́ет,/ да́рующи нам чудотво́рную Свою́ ико́ну,/ к ней бо с ве́рою припа́даем и тёпле вопи́ем:/ о, Пречи́стая Де́во,/ моли́ из Тебе́ вопло́щагося Бóга на́шего/ мир душáм на́шим дарова́ти,// от сна грехо́внаго возста́ти/ и на Стра́шнем Суде́ оправда́ние улучи́ти.

Кано́н. Глас 8,

го́же краегра́нэсие: Тобо́ю бо, Всеми́лостивая, зи́ждется нам спасéние.

Песнь 1

Ирмо́с: Во́ду проше́д, я́ко су́шу,/ и египетскаго зла избежа́в, израи́льтянин вопия́ше.// Избави́телю и Бóгу на́шему по́йм.

Припе́в: Пресвята́я Богоро́дице, спаси́ нас.

Творе́ц и Избави́тель всех из Тебе́, Пречи́стая, немóкрено про́йде, фарао́на мýсленаго победи́ и от у́мнаго ра́бства грехо́внаго плинфодéлания нас свободи́.

О́гнь грехо́вных страсте́й, вою́ющих на ны непреста́нно, росóю Ду́ха Свята́го прохладите́льно истреби́, Богоро́дице, родила́ бо еси́ нетлénно Исто́чник Божéственныя благода́ти.

Безнача́льнаго и Безле́тнаго Бóга во временéх родила́ еси́, Богоблаже́нная. Того́ моли́, Чи́стая, жити́я земна́го пучи́ну безбе́дно нам



минова́ти и в зе́млю Небе́снаго оте́чества немо́крено вступи́ти.

Огнь Божества́ не опали́ де́вственную утробу́ Твою́, Пречи́стая Де́во, Огневи́днаго Бо́га родила́ еси. Сего́ ра́ди молю́ Тя: очисти́ мя о́гненнаго запале́ния гне́внаго и прохладí дýхом смире́ния.

Песнь 3

Ирмо́с: Небе́снаго крýга Верхотво́рче Го́споди,/ и Це́ркве Зиждíteлю,/ Ты ме́не утверди́ в любви́ Твое́й/ желáний кра́ю, ве́рных утвержде́ние, // еди́не Человеколю́бче.

Юни́це, Юнца́ ро́ждшая, Де́во Неискусому́жная, землѣ неора́нная и ненасѣя́нная, та́ко воспева́ем Ти хвалу́, Ты бо еси́ Се́ятеля Чистоты́ благоутро́бная Мати.

Благослове́нна Ты еси́ в ро́дех родо́в, Богоро́дице, благослове́ние ро́ду челове́ческому дарова́вшая, из Тебе́ бо изы́де Христос́ Бог наш, ве́чную кля́тву Ада́мову потреби́вший.

О Тебе́ ра́дуется, Благода́тная, вся́кая тварь, Превы́сшая А́нгел и Арха́нгел. Те́мже мо́лим Тя, Ма́ти Бо́жия, сподо́би нас с ли́ки а́нгельскими ве́чно сла́вити Тя.

Воспойм вси земно́роднии и восхва́лим Пречи́стую Де́ву Мари́ю, ико́ну Свою́ чудотво́рную гра́ду Яросла́влю в насле́дие ве́чное дарова́вшую, ея́же благоче́стно почита́ем.

Седáлен, глас 7

Стра́нное и велеле́пое ико́ны Твоея́ явлéние ми́ру дарова́ся, на нея́же взира́юще, невер́ныя и заблúдшия к и́стинней ве́ре обраца́ются, я́ко с тоя́ ико́ны Де́ва Пресвѣтлая с любóвию на ны взира́ет и Богомладéнца на руку́ Своёю покóит, Ё́мже род наш обрѣ́те спасéние.

Сла́ва, и ны́не:

Его́же сла́вы а́нгели Небе́снии зрѣти не мо́гут, Ты из де́вственныя утробы́ Своея́ воплотíла еси́, и на девическую́ руку́ Твоею́ носила́ еси́, Пренепоро́чная Де́во. Того́ моли́ Христá Бо́га грехо́в и беззакóний на́ших не помяну́ти и на Стра́шнем Суде́ Его́ одесну́ю ста́ти.



Песнь 4

Ирмос: Услышах, Господи,/ смотрения Твоего таинство, / разумех дела Твоя// и прославих Твое Божество.

Милости источниче неоскудеваемый и премудрости кладезю неисчерпаемый, умиласердися на ны грешныя, Богородице, и благодатию Божественнаго Сына Твоего просвети, да воспротивимся греховным поползновениям.

Истиннаго Бога Препоблагословенная Родительнице, любовь ко истине возроди в сердца моем, да не впаду в злохитрыя сети коварства и лукавства.

Любовь верную людям показала еси, даровала бо еси нам, Богородице, яко звезды небесныя, чудотворныя иконы Твоя, благодать бо тех души наша услаждает и благодарити Тя с любовью научает.

Огнем веры изсуши во мне маловерие и всякую нечистоту, Огненосная Мати, Пресвятая Богородице, Огонь невредно в девственной утробе носила еси, прообразованная Неопалимою Купиною.

Песнь 5

Ирмос: Просвети нас повеления Твоими, Господи,/ и мышцею Твоею высокою// Твой мир подаждь нам, Человеколюбче.

Скорбныя сердца наша утеси и радостью духовною озари, Радость бо непреходящую миру даровавшая, Нечаянная наша Радосте, моли Спаса душ наших радости неветшающей нас причастницы быти.

Твоя песнословцы, Богородице, благодатию Духа Святаго ущедри, сердца их чистыми водами благочестия напои, да невозбранно имя Твое прославляют и песненными похвалами Тя ублажают.

Идолскую скверну кумиров наших душевных скоро разори и искорени, и Богу Истинному, в Троице славному, поклонятися верно научи.

Веруем и искренне исповедуем, яко Ты еси Божия Матерь и Приснодева Преславная, от Духа Свята таинственно во чреве зачэншая и

во двою естеству Гóспода нáшего Иисуса Христа нетлénно родившая.

Песнь 6

Ирмос: Молитву пролию ко Гóсподу/ и Тому возведу печáли моя, / яко зол душа моя исполнися,/ и живот мой áду приближися,/ и молюся, яко Иона:// от тли, Бóже, возведи мя.

Яко Иóну ущéдри мя, Спáсе, в животé бо моём злáя сотворшаго, обáче к молитвенному предстáтельству Богорóдицы притекáющаго и Тебé вониющаго: от тли, Бóже, возведи мя.

Адáмово воззвáние и Ёвино рáдование, победителя смёрти мiру явившая, Тогó моли, Богорóдице, в животé моём душетлénных мне избегáти, благáя же стяжевáти.

Заступница буди нам, Мáти Бóжия, вси бо есмь греху повiнны, согрешихом и беззакóнновахом и злáя в житий нáшем сотворихом, обáче с вéрою к икóне Твоёй припадаем: испроси нам прэжде концá покаяние.


Источник безсмёртия рóждшая, изсуши источницы страстéй нáших, изведи нас из тлénия, Богорóдице Дéво, и приведи нас к Сыну Твоему в чiстых рiзах нетлénия.

Кондáк, глас 3

Живонóсный лик Свой мiру явившая,/ и мiлостивно Ярославскую икóну нам даровáвшая,/ от неяже тóки благодáти щéдро источáеши,/ всякия недúги скóро врачúеши,/ от бед и напáстей спасáеши,/ скóрби и печáли в рáдость претворяеши,/ Мáти Дéво Преслáвная,/ не лиши Твоегó заступлénия/ всех с вéрою к Тебé притекáющих,// испроси нам у Гóспода мир и велию мiлость.

Икос

Достóйно есть слáвити Тя, Пречiстая Богорóдице и Богоневéсто Преслáвная, Ты бо в мир Сóлнце Христа ввелá еси. Посему приими от нас недостóйных, похвалы сия: рáдуйся, Сокрóвищнице, в щедрóтах неоскудевáющая; рáдуйся, Тайннице Боговоплóщения непостижимáя; рáдуйся, Животé безсмёртия неистощiмый; рáдуйся, Путеводительнице к



Истине незаблудная; радуйся, Воспитательнице наша нелестная, души наша к вечней радости уготовляющая; радуйся, Вратарнице Небесная, двери райския нам милостивно отверзающая.

Песнь 7

Ирмос: От Иудеи дошедше, отроцы/ в Вавилоне иногда верою Троицкою пламень пещный попраша, поюще:// отцев Бже, благословен еси.

Елико отстоят востocy от запад, тако и мы, грешнии, далече отстоим от благоутробнаго Господа, в пламени страстей дни своя иждивающе, обаче имамы Тя молитвеницу неотступную, научающую нас пети: отцев Бже, благословен еси.

Твоих повелений, Господи, отступisha, в вавилонский пламень страстей злодейством ненавистника древняго повергаеми, обаче молитвами Богородицы спаси нас, верно вопиющих: отцев Бже, благословен еси.

Сыну Твоему и Богу молитвы наша смиренныя вознеси, Богородице, да помилует нас в День Судный и дарует нам брачныя одежды оправдания. Сего ради вопием Ему: отцев Бже, благословен еси.

Яко отроцы в пещи вавилонстей, орошаеми от ангела, пояху, тако и мы, орашаеми силою молитв Твоих, Мати Божия, славяще Тя, поем: благословенна Ты еси, Пренепорочная Владычице.

Песнь 8

Ирмос: Царя Небснаго,/ Егоже поют вси ангельстии,// хвалите и превозносите во вся веки.

Ночь страстнаго пленения объемлет мя, грешнаго, и не имам избавления. Ты же мя свободи, Утро безстрастия рождающая, да с верою вопию: хвалите Господа и превозносите его во вся веки.

Ад мысленный в души моей истреби и умное око мое отверзи, Умное Солнце миру явившая, Имже силы адстии падоша и верей адовы



сокруши́шася.

Ма́ти А́гнца Непоро́чнаго, во чре́ве Того́ пачеесте́ственно заче́ншая, зачни́ во мне благі́я помышле́ния, да чи́стыми усты́ возопи́ю: сла́ва си́ле Твое́й, Го́споди, и милосе́рдию Твоему́, Богоро́дице.

Сотво́ршая ра́дость обре́тения че́стныя ико́ны Твоея́, Преблагослове́нная Влады́чице, услы́ши недосто́йныя моли́твы на́ша, с ве́рою Тебе́ приноси́мыя и приими́ ра́достное си́е хвале́ние.

Песнь 9

Ирмо́с: Вои́стину Богоро́дицу/ Тя испове́дуем,/ спасе́ннии Тобо́ю, Де́во Чи́стая, // с беспло́тными ли́ки Тя велича́юще.

Плене́ние Ада́мово разру́шившая Рожде́ством Твои́м и свободи́вшая от уз все́го челове́ка, Сла́вная Узорешительнице, свободи́ и нас мы́сленнаго вра́жия плене́ния.

Ангели Го́рнии немол́чно сла́вят Го́спода: Свят, Свят, Свят, вопи́юще, мы же, дерзнове́ния к Нему́ не иму́щи, на моли́твы Твоя́ упова́ем и сла́вим Тя, на́шу си́льную к Бо́гу Ходатаи́цу.

Сокро́вище души́ Твоея́ бысть пречу́дное смире́ние, и призре́ Господь на добро́ту души́ Твоея́, Богома́ти Пречи́стая, си́е бо сокро́вище для нас наипа́че благопотре́бно, е́гоже нам да́руй.

Естество́ Ада́мово удобопоползнове́нное ко греху́ ймамы, плене́ннии миродержи́телем и губи́телем лука́вым, в по́хотех сла́стных во ад низверга́емся. Сего́ ра́ди вопи́ем Ти: спаса́й нас из а́дских че́люстей, Всеми́лостивая.

Свети́лен

Невече́рняго Све́та Неизрече́нное Сия́ние, осия́й нас Све́том Сы́на Твоего́, Богоро́дице, да све́том Христо́вым просвеща́емии, восхва́лим Тя, Ма́терь Све́та Пренепоро́чную.

Сла́ва:

Ико́ною Твое́ю весь мир осия́ла еси́, Богоро́дице, я́ко в се́ни сме́ртней



седя́щая лю́дие от невѣ́дения к ѳ́стине устремѣ́шася, с любовью пою́ще Ти: ра́дуйся, Невѣ́сто Неневѣ́стная.

И ны́не:

Е́вино безстудіе обновіла еси́, неискусому́жно Но́ваго Ада́ма Христа́ ро́ждшая, Ма́ти Де́во Благословѣ́нная, обнові́ сердца́ на́ша благодатию Боже́ственного Сы́на Твоего́, да ўзрим Свѣ́та Незаходѣ́мага прѣ́сное сия́ние.

На хвали́тех стихи́ры, глас 2.

Подобѣн: Егда́ от дре́ва:

Пречу́дное Твоея́ ико́ны явлѣ́ние ублажи́ша/ и чудеса́ от не́я соде́янная просла́виша,/ Пречи́стому образу́ Твоему́ поклоня́емся, Богоро́дице,// Ты бо еси́ ве́рных спасѣ́ние.

Пречестно́е ѳ́мя Твое́ а́нгели пою́т на Небесѣ́х,/ и нас на зѣ́мли сподо́би/ чи́стым се́рдцем сла́вити чудеса́ Твоя́,/ от ико́ны Твоея́ быва́емья,// Ты бо еси́ на́ша Наде́жда и Упова́ние.

Превели́кое на Тебе́ соде́яшася та́инство Боговопло́щения,/ та́инственно бо возра́стѣла еси́ Клас Живота́ ве́чнаго,/ та́инственно бысть и чудотворны́я ико́ны Твоея́ явлѣ́ние, Богоро́дице Дево,// сия́ бо нам е́сть щит и заступлѣ́ние.

Сла́ва, и ны́не, глас то́йже

Прииді́те, благословѣ́нных собо́ри,/ возра́дуйтесь и возвеселі́тесь,/ се бо день блаже́нный,/ к на́шему бо спасѣ́нию Де́ва Богоро́дица прича́стна быва́ет,/ ико́ну ны́не Яросла́вскую ми́лостивно явля́ет,/ ё́юже гра́ды и ве́си от вся́ких зол избавля́ет/ и Сы́на Своего́ Боже́ственного/ ми́лостивно взира́ти на ны умоля́ет./ Сего́ ра́ди вопи́ем:// ра́дуйся, Де́во, христиа́н похвало́ и ве́чное ра́дование.

Славосло́вие вели́кое и отпу́ст.

НА ЛИТУРГІИ

Служба Богоро́дицы.

